



PU Gračanica: Privedeni nasilnicima

**Donja Orahovica
Potukli se
pa napali
policajce**

► Pripadnici Prve policijske uprave Gračanica prekršili su u 18 sati na benzinskoj pumpi u Donjoj Orahovici priveli H. S. (20) i A. M. (17) zbog sumnje da su počinili krivično djelo napad na službenu osobu u vršenju službene radnje. Kako saznajemo, 20-godišnjak i maloljetnik potukli su se s E. D. (25), nakon čega je alarmirana policija. Nasilnici su potom fizički nasrnuti i na policijsku patrolu, koja je stigla na intervenciju. H. C.

Visoko



PS Visoko: Predat osumnjičeni

**Uhvaćen
bjegunac
na Ilidži**

► Pripadnici Pete policijske uprave prekršili su u 18 sati na Blažujskom drumu - Lužani na Ilidži uhapsili G. Đ. (28) s Ilidže. Dvadesetosmogodišnjak je uhapšen na osnovu operativne potrage Ministarstva unutrašnjih poslova Zeničko-dobojskog kantona - Policijske stanice Visoko. Visočka policija tražila je G. Đ. zbog sumnje da je u ranijem periodu počinio krađu.

Sarajevski policajci su istog dana u 19.15 sati predali G. Đ. kolegama iz Visokog.

**Žepče
Ukradli
brojilo za
struju**

► Na meti nepoznatih osoba u noći s utorka na srijedu našla se kuća u mjestu Ljubatovići kod Žepča. Kradljivci su s kuće, čiji je vlasnik T. A., ukradli brojilo za električnu energiju. Uviđaj su obavili pripadnici Policijske stanice Žepče.



Helikopter OSBiH sletio u bazu u Rajlovcu



Hrvatka teško povrijedila nogu

GSS Uspješno izvedene akcije na Prenju i u Međugorju

**Čehinje spašene helikopterom,
Amerikanka lakše povrijedena**

Planinarke iz Češke poslate poziv za pomoć sa prenjskog vrha na nadmorskoj visini od 2.026 metara
● Amerikanka E. M. (73) prilikom pada povrijedila glavu i koljena

Na planini Prenj kod Konjica i u Međugorju jučer su uspješno izvedene akcije - s grebena Osobac spašene su dvije Čehinje, a na Brdu Ukazanja pomoć je pružena povrijeđenoj Amerikanki.

Pozvale pomoć

U akciji pripadnika Gorskog službe spašavanja (GSS) BiH - GSS Konjic i Oružanih snaga BiH dvije državljanke Češke su, uz pomoć helikoptera, spašene sa planine Prenj, potvrdio je za naš list Zdenko Marić, predsjednik GSS-a BiH.

Prema njegovim riječima, planinarke su prek-

sinoć poslate poziv za pomoć sa prenjskog vrha, koji se nalazi na nadmorskoj visini od 2.026 metara.

Riječ je o sijenovitom grebenu Osopcu. Ekipe je odmah krenula u akciju spašavanja, koja je bila dodatno otežana zbog tridesetak centimetara novonapadalog snijega. U međuvremenu se razvila naoblaka. Strahovali smo da bi se akcija mogla odužiti, a još više da će se Čehinje nastaviti kretati po opasnom terenu. Tako smo zatražili pomoć OSBiH, čija je posada u 11.30 sati uspješno locirala i evakuirala dvije djevojke - rekao je Marić.



Spasioci iz Čitluka intervenirali su i 28. aprila u Međugorju, gdje je na Križevcu na stazi "sipar" državljanka Hrvatske povrijedila nogu uz obilno

krvarenje. U spašavanju žene učestvovali su i pripadnici HGSS-a Čapljina, a žena je prevezena do Malteške ambulante u Međugorju.



Povrijeđenoj ženi sanirano krvarenje

(Foto: HGSS Čitluk)

Naglasio je da su djevojke, prema posljednjim informacijama, u dobrom stanju. Kako saznajemo, helikopter je s Čehinjama sletio u bazu u Rajlovcu.

Pripadnici hrvatske Gorskog službe spašavanja (HGSS) Čitluk jučer su brzo u bazu u Rajlovcu.

Ukazanja u Međugorju prikli u pomoć povrijeđenoj državljanki Sjedinih Američkih Država (SAD). Hitna pomoć u Čitluku jučer je u 10.57 sati obavijestila spasiocima o povrijeđenoj ženi.

Sanirane povrede

Spasilački tim od pet članova krenuo je interventnim vozilom prema Međugorju te je vrlo brzo pronašao unesrećenu Amerikanku E. M. (73) na petoj postaji od Plavog križa.

Prilikom pada zadobila je povrede glave i koljena, koje su joj na licu mjesta sanirane.

Kako je procijenjeno da nema potrebe za transportom, spasioci su pratili Amerikanku do podnožja Brda Ukazanja. Akcija je uspješno završena u 12.06 sati, a žena je vozilom HGSS-a Čitluk prevezena do Hitne pomoći u Čitluku.

A. Ka. - B. C.

Reagiranjje Avde Zagorice iz Sarajeva

Moj otac Ahmet nije bio ni prijatelj ni pomagač ubici Kolaku

Rahmetli oca tada su tjerali da prizna i što jeste i što nije, kaže Avdo Zagorica

Avdo Zagorica iz Sarajeva, sin Ahmeta Zagorice, koji se spominje u tekstu "Smrtna kazna za sarajevskog lanera", koji je objavljen 30. aprila ove godine, obratio se našoj redakciji kako bi demantirao određene navode o svom ocu.

- U tekstu se navodi da je moj rahmetli otac Ahmet bio prijatelj i pomagač ubici Milanu Kolaku. To nije

tačno, nije mu bio prijatelj, a ni pomagač. Ubica je dolazio u njegov restoran kao gost i nešto prodavao, bilo je to neko zlato. Otac, da je znao da je ovaj ubio ženu i ukrao zlato, nikad ne bi kupio to zlato. Naša porodica je šest godina proživljavala pakao dok je trajalo suđenje. Mene su policajci uhapsili i strpali u zatvor. Puštali su me na

šetnju u zatvorskom krugu da me otac gleda i tjerali ga da prizna i što jeste i što nije. Poslije dva dana, kad su vidjeli da to nije uredu, pustili su me. Tada se, prije 35 godina, nismo imali kome žaliti za povredu ljudskih prava. Tada toga nije bilo - kaže Avdo Zagorica.

On je potvrdio da je njegov otac bio osuđen na

osam godina te da mu je, nakon angažmana starog beogradskog advokata Filota File, kazna smanjena na šest godina.

- Fila nam je tada rekao da trebamo mijenjati advokata, jer je oca odmah trebalo odvojiti od ubice i da onda odgovara samo za kupovinu zlata. Imali ste sličan slučaj na Ilidži. Ubili su čovjeka, vadili mu zlatne

zube, a onaj koji je kupio zlato, nije odgovarao, a moj otac je dobio osam godina - zaključuje Avdo Zagorica napominjući da je njegov otac bio Titov kurir te dodaje:

- Otac je bio reprezentativac SFRJ u boksu, dobitnik Zlatne rukavice i ugostitelj. Mene i moje dvije sestre odgojio je da budemo fini i poštteni.